

## A Athair nua neamhdhasa

[McKenna, L.: *Aithdioghluim Dána* (Irish Texts Society, vols 37, 40, 1939/40), poem 57]

Baothghalach Mac Aodhagáin cct.

1 A Athair nua neamhdhasa  
do bhí riamh re n-a dhúilibh,  
tar mo bhéasaibh neamhghlana  
gabh chugad meise, a Dhúilimh.

2 A mhic ochta óghMhuire  
do fhulaing páis dar ngráidhne,  
im chroidhese i gcómhnuidhe  
cuir féin tinneas do pháise.

3 A Spiorad naomh neamhmarbhtha  
[re n]daoinibh glantar tige,  
tígeadh dhíotsa deaghadhbha  
do dhéanamh dhuit im chridhe.

4 Féibh thángais ar th'easbalaibh  
toirche oram mar lasair;  
gach maith riom go neamhsgarthair  
na huilc riomsa go sgarthair.

5 A Thríonóid, a thrócaire,  
ná léig eadrom is m'fheithiomh;  
méadaigh féin ar ndóchaisne  
ar ngrádh agus ar gcreideamh.

6 Cumhachta ó n-ar nAthairne  
is t'eagnasa, a mhic mhiochair,  
do ghrádhosa go gclannaighe,  
A Spiorad Naomh, im spioraid.

7 AoinDia uile cumhachtach,  
an triúrsa is ní trí dée;  
air nír cheisd a gcruthachadh  
an talamh 's an t-a-éur.

8 Níor cheist ort, a Dhúilimhse,  
dealbh ai-eoir agus uisge;  
do na ceithre dúilibhse  
do-róine tusa duine.

9 Míchéal is a archaingil  
na heaspail is na hógha  
dom dhíon insan bhrathmhainnir  
is na mairtíre trógha. A ath.

10 Ním creisineach miodhaoise,  
im aoide níorsam geannnaidh,  
do dhiunnach mo bhiothchlaoine  
gurbam eatal i seantaidh.

11 Cathughadh frí soimhighe  
aithchim gan dol i ndíomas;  
dá n-éatarsa doimhighe  
ar dearchaoineadh ná ríochar.

12 A aoinDia na trócuire,  
iongaibh sinn ar an charcair,  
a Íosa-mheic óghMhuire,  
a Spiorad naomhsa, a Athair. A Athair

13 A Mhuire tret impidhe  
an Spiorad Naomh go n-ataid  
im chroidhe is im intinnse  
uaít [an] Mac is a Athair.

14 Go dtí dhíot ar n-aithnighe  
gach n-uaire d'éis ar dtuitme,  
a tobar na haithrighe  
dos ligh d'anairt is d'uisce.

15 San Proinnséis, San Dominic,  
Pádraig Macha dom chabhair;  
m'anam leo go gcoimbirid  
sa bhflaith i bhfuile [a Athair].